

**UGOVOR
PRUŽANJU/KORIŠTENJU USLUGE WEB HOSTING**

Broj: _____

UGOVORNE STRANE:

1. **DIONIČKO DRUŠTVO BH TELECOM SARAJEVO, DIREKCIJA** _____, identifikacijski broj: _____, registarski broj _____ obveznika PDV: _____ koju zastupa direktor Direkcije _____ (u daljem tekstu: **BH Telecom**)
2. _____ identifikacijski broj: _____, registarski broj obveznika PDV: _____ koju zastupa _____ (u daljem tekstu: **Pretplatnik**)

Član 1.

Predmet ovog ugovora je regulisanje međusobnih prava i obaveza nastalih za ugovorne strane u vezi sa pružanjem/korištenjem usluge web hosting u skladu sa Općim uvjetima za pružanje telekomunikacijskih usluga BH Telecom-a (u daljem tekstu: Opći uvjeti).

Član 2.

Ugovorne strane su saglasne da će se u realizaciji ovog ugovora primijeniti odredbe Općih uvjeta sa kojima je pretplatnik upoznat putem javnog objavljivanja u sredstvima javnog informisanja, na službenoj web stranici www.bhtelecom.ba, kao i na prodajnom mjestu BH Telecom-a, i smatraju se sastavnim dijelom ovog Ugovora.

Član 3.

Ugovorne strane su saglasne da će BH Telecom za korištenje usluge dodijeliti pretplatniku password i username i omogućiti korištenje sljedećeg osnovnog paketa usluga:

- _____ web hosting paket

Sadržina osnovnog paketa usluga kao i ponuda dodatnih web hosting usluga koje pretplatnik samostalno može aktivirati/deaktivirati, utvrđena je Cjenovnikom telekomunikacionih usluga u unutrašnjem i međunarodnom saobraćaju BH Telecom-a (u daljem tekstu: Cjenovnik), čiji je izvod sastavni dio ovog ugovora.

Član 4.

Proširenje obima paketa usluga iz člana 3. stav 1. ovog ugovora pretplatnik postiže samostalnim aktiviranjem/deaktiviranjem dodatnih web hosting usluga putem web hosting korisničke aplikacije.

Član 5.

Pretplatnik se obavezuje da će na ime cijene pristupne takse i mjesečne pretplate za osnovni paket usluge, u skladu sa Cjenovnikom i ovim ugovorom, platiti ukupno _____ KM (slovima: _____).

Cijena iz stava 1. ovog člana sastoji se od:

- | | | | |
|--------------------------|--------------------|-----|-----|
| - cijena pristupne takse | jednokratno | 0 | KM; |
| - cijene pretplata | mjesečno unaprijed | ___ | KM; |

Ukupna mjesečna cijena korištenja web hosting usluge je promjenjiva i zavisi od toga da li je pretplatnik koristio ugovorenu mogućnost proširenja obima osnovnog paketa usluga, u smislu člana 3. i 4. ovog ugovora, i utvrđuje se u fazi obračuna, kao zbir pojedinačnih cijena dodatnih web hosting usluga koje samostalno aktivira odnosno deaktivira pretplatnik putem web hosting korisničke aplikacije.

Član 6.

Cijena usluga u ovom ugovoru i Cjenovniku iskazana je bez poreza koji će se obračunati prilikom fakturisanja, u skladu sa pozitivnim zakonskim propisima iz ove oblasti.

Član 7.

Ugovorne strane su saglasne da BH Telecom ne vrši izbor imena korisničke domene i poddomene, niti provjeru da li je pravo korištenja odabranog imena zaštićeno u skladu sa pozitivnim zakonskim propisima iz te oblasti, i da je odgovornost za štetu s tim u vezi isključivo na strani pretplantika.

Ugovorne strane su saglasne da sadržaj stranice koju kreira pretplatnik ne smije biti neprimjeren, i da je pretplantika isključivo odgovoran za štetu prouzrokovanu korisnicima telekomunikacionih usluga, BH Telecom-u odnosno trećim licima uopšte.

BH Telecom ne preuzima odgovornost zbog eventualnog gubljenja podataka koje je pretplatnik postavio na web server ili upisao u svoju bazu podataka na database serveru, izuzev ukoliko je do gubljenja podataka došlo krajnjim nemarom BH Telecom-a.

BH Telecom ne preuzima odgovornost ukoliko web hosting platforma/stranica ne bude dostupna ili ukoliko dođe do neautorizovanog pristupa pretplatničkim podacima od strane trećih lica, izuzev ukoliko se opisane situacije dogode zbog krajnjeg nemara BH Telecom-a.

Član 8.

Pretplatnik je upozoren na mogućnost prouzrokovanja štete zloupotrebom passworda od strane trećih lica i preuzeo je obavezu zaštite od zloupotrebe, čuvanjem passworda u tajnosti.

Takođe, pretplatnik preuzima obavezu nadzora korištenja accounta putem WEB stranice www.bhtelecom.ba, gdje mu je omogućen uvid u detaljan izvještaj konekcija i promjena password-a.

BH Telecom ne preuzima nikakvu odgovornost za štetu prouzrokovanu pretplatniku zloupotrebom passworda od strane trećih lica.

Član 9.

Ugovor se zaključuje na neodređeno vrijeme.

Član 10.

Ugovorne strane su saglasne da će se izmjene ovog ugovora vršiti u pismenoj formi, zaključivanjem aneksa ugovora.

U slučaju izmjene Cjenovnika, koja za posljedicu ima promjenu cijene usluga koje se pružaju saglasno ovom ugovoru, ugovorne strane su saglasne da će se cijena automatski prilagođavati u fazi obračuna, bez zaključivanja aneksa ugovora.

Član 11.

Ugovorne strane su saglasne da će se eventualni sporovi nastali u realizaciji ovog ugovora, rješavati sporazumno, u protivnom, ugovara se nadležnost suda u _____.

Član 12.

Ugovor stupa na snagu danom obostranog potpisivanja.

Ugovor sačinjen je u dva (2) istovjetna primjerka od kojih po jedan (1) zadržava svaka ugovorna strana.

PRETPLATNIK:

Broj: _____

Dana _____ godine

BH TELECOM:

Broj: _____

Dana _____ godine